

I MARCHA CICLOTURISTA BTT CONCELLO PALAS DE REI

1. DATOS XERAIS DA ACTIVIDADE

- **Denominación:** I MARCHA CICLOTURISTA BTT CONCELLO PALAS DE REI
- **Organizador:** CONCELLO DE PALAS DE REI
- **Data:** Sábado, 11 de Abril de 2026
- **Horario, distancias e desniveis acumulados:**

11 de abril de 2026/PALAS DE REI: saída ás 09:30 h, hora límite de chegada ás 14:15 h. Ruta longa (61 KM 1064 m). Ruta corta (35 km 549m).


- **Hora:** 9:30 a 14:15 h
- **Localidade de Saída/chegada:**saída e chegada en Palas (<https://maps.app.goo.gl/B2gP8HDC9UvQLk8k9>).
- **Modalidade:** Evento deportivo non federado
- **Categoría:** Maiores de 18 anos (participantes de 14 a 17 anos con autorización)

2. REGULAMENTO DA PROBA

Organización e Data: O concello de Palas de Rei organiza a I marcha cicloturista BTT Concello Palas de Rei, que terá lugar o sábado 11 de abril de 2026, con saída e chegada nas localización anteriormente indicadas. A saída será ás 09:30 h e a hora de chegada do último participante non poderá superar as 14:15 horas.

A concentración e entrega de dorsais terá lugar a partir das 8:15 horas no punto de inicio, unha hora e cuarto antes da saída da proba .

Ao rematar a proba haberá servizo de duchas no pavillón anexo á saída. Na foto pódese observar tanto o punto de inicio da proba como o pavillón.



Natureza da Proba: Trátase dunha actividade de cicloturismo-BTT, cuxo obxectivo é fomentar o ocio, o turismo e a cultura, excluindo expresamente a competición. As persoas participantes, coa súa inscrición, declaran estar fisicamente aptas para a proba.

Normas de Circulación: As persoas inscritas deben respectar en todo momento o Código de Circulación, sendo responsables das infraccións que cometan. O tráfico non estará pechado, polo que se debe extremar a precaución en cruces e zonas habitadas.

Idade Mínima: A idade mínima de participación é de 18 anos. Os menores de 14 a 17 anos poderán participar cunha autorización asinada polo pai, nai ou titor/a, acompañada dunha copia do DNI da persoa que autoriza.

Responsabilidades: A organización non se fará responsable dos gastos ou débedas que as persoas participantes poidan contraer durante o percorrido.

Seguridade: O uso do casco é obrigatorio en toda a actividade.

Animais de Compañía: Non se permitirá a presenza de animais durante a marcha.

Inscricións: A inscrición deberá realizarse a través da plataforma oficial: *SPORTMANIACS*

A inscrición ten un custe de 10€.

O club que anote un maior número de participantes será recoñecido ao finalizar a proba. Entenderase por club todos os participantes que se anoten baixo unha mesma denominación, podendo ser unha agrupación informal.

O número máximo de participantes será de 400 inscritos.

O prazo de inscrición rematará o mércores anterior á celebración da proba- 8 de abril) ou cando se cubran as prazas dispoñibles.

Comunicacións Oficiais: As comunicacións realizaranse a través dos seguintes medios: Plataforma de inscricións do evento: *sportmaniacs*

Páxina web do Concello de Palas de Rei <http://www.concellopalasderei.es/>

Perfís oficiais en Instagram e Facebook do Concello de Palas de Rei


Percorrido e Puntos de Control: Estableceranse puntos de control con horarios prefixados. O persoal da organización indicará camiños alternativos se algún participante supera os tempos establecidos.

A marcha terá dúas versións; unha corta e unha longa, as cales estarán debidamente indicadas. Non é preciso indicar cal das dúas se vai realizar, cada participante escollerá a que vai realizar no punto onde se separan, o cal estará sinalizado.

Modificacións e Suspensións: A organización resérvase o dereito de modificar horarios e percorridos por motivos de seguridade. En caso de alerta laranxa, a proba será suspendida e buscarase unha nova data.

Sinalización e Equipamento: Os percorridos estarán sinalizados con estacas de madeira

O modelo de sinalización será similar ao da foto



Servizos de Asistencia: Disporase de asistencia sanitaria, ambulancia, e Protección Civil durante o evento.

Haberá 1 avituallamento ao longo do percorrido.

Ao finalizar a proba, os participantes terán acceso a duchas no pavillón anexo á saída.

Protección de Datos: A organización garante o cumprimento da Lei Orgánica 3/2018 de Protección de Datos Persoais e garantía dos dereitos dixitais. Os datos persoais serán incorporados a un ficheiro xestionado por LAMAS BIKE para a xestión do evento. Os participantes poderán exercer os seus dereitos de acceso, rectificación ou cancelación dos seus datos.

Dereitos de Imaxe: A inscrición implica a aceptación do uso das imaxes das persoas participantes para fins promocionais, prensa ou comunicación institucionais sen dereito a compensación económica.

Aceptación do Regulamento: A participación nesta marcha implica a aceptación total deste regulamento, así como a renuncia a reclamacións por posibles danos que poidan ocorrer durante o evento.

A actividade conta cun seguro de responsabilidade civil e un seguro de accidentes colectivos coas coberturas reguladas polo RD 849/1993, polo que se determinan as prestacións mínimas do seguro obrigatorio deportivo.

 Cicloturismo sostible  

Na nosa aposta pola sustentabilidade, toda a sinalización da proba está feita en madeira reutilizable e gravada con láser, garantindo 0 residuos plásticos ou de pinturas. Queremos que esta ruta transcorra nun entorno natural preservado, e para iso contamos contigo.

 **Respeto o camiño, coida a natureza e deixa 0 impacto.** Xuntos facemos do deporte unha experiencia máis sostible!  

¡Esperámosvos para desfrutar dunha xornada de deporte e natureza